

ISLANDS  
MYND  
MYND  
STEF  
SAMTÖK  
HÖFUNDA

ÁRS- OG GAGNSÆISSKÝRSLA  
MYNDSTEFIS  
fyrir árið 2025



MYND SEGIR MEIRA  
EN 60.000 ORÐ.

RÁN FLYGENRING

**MYNDSTEF**  
apríl 2026

## Efnisyfirlit

ÁVARP FRAMKVÆMDASTJÓRA.....	3
<b>SAMANTEKT STJÓRNAR .....</b>	<b>4</b>
<b>ÁRITUN STJÓRNAR.....</b>	<b>5</b>
<b>1. ÖRMYNDASAGA EFTIR RÁN FLYGENRING .....</b>	<b>6</b>
<b>2. UM MYNDSTEF – MYNDHÖFUNDASJÓÐ ÍSLANDS.....</b>	<b>8</b>
2.1 AÐILDARFÉLÖG MYNDSTEF.....	9
2.2 HAGSMUNASKRÁ.....	9
2.3 UMSÝSLUSTOFNANIR SEM MYNDSTEF Á AÐILD AÐ.....	10
<b>3. ÁRSREIKNINGUR OG FJÁRHAGSLEGAR UPPLÝSINGAR.....</b>	<b>11</b>
3.1 ÁRSREIKNINGUR .....	11
3.2 TEKJUR.....	11
3.3 YFIRLIT YFIR RÉTTINDAFLOKKA.....	12
3.4 FRÁDRÁTTUR AF TEKJUM VEGNA UMSÝSLUKOSTNAÐAR OG FRÁDRÁTTUR VEGNA MENNINGARLEGRAR- FÉLAGSLEGRAR OG MENNTUNARTENGDRAR ÞJÓNUSTU .....	14
3.5 UMSÝSLUKOSTNAÐUR.....	15
3.6 RÉTTINDAGREIÐSLUR Á ÁRINU 2025.....	16
<b>VIÐAUKI I - ÁRSREIKNINGUR .....</b>	<b>17</b>
<b>VIÐAUKI II - STEFNUR MYNDSTEFIS UM NOTKUN FJÁRMAGNS SKV. UMSÝSLULÖGUM.....</b>	<b>17</b>
1. <i>Almenn stefna um úthlutun réttindagreiðslna til réttihafa.....</i>	<i>17</i>
2. <i>Almenn stefna um notkun óráðstafanlegra fjárhæða.....</i>	<i>18</i>
3. <i>Almenn fjárfestingarstefna með tilliti til réttindatekna og arðs af fjárfestingu þeirra. ....</i>	<i>19</i>
4. <i>Almenn stefna um frádrátt frá réttindatekjum og arðs af fjárfestingu þeirra. ....</i>	<i>19</i>
5. <i>Notkun óráðstafanlegra fjárhæða. ....</i>	<i>20</i>
6. <i>Áhættustýringarstefna. ....</i>	<i>20</i>
7. <i>Samþykki fyrir hvers konar kaupum, sölu eða tryggingarrétti fastafjármuna. ....</i>	<i>20</i>
8. <i>Samþykki um samruna og bandalög, stofnun dótturfélaga og kaup á öðrum einingum eða hlutum eða réttindum í öðrum einingum.....</i>	<i>21</i>
9. <i>Samþykki fyrir lántöku, lánveitingum eða útgáfu lánatrygginga.....</i>	<i>21</i>

Skýrsla þessi var tekin saman af framkvæmdastjóra Myndstefs fyrir aðalfund Myndstefs 2026.

Mynd á forsíðu eftir Rán Flygenring.

Örmyndasaga eftir Rán Flygenring.

Myndir á baksíðu: Lóa Hlín Hjálmtýsdóttir.

## Ávarp framkvæmdastjóra



Í fullkomnum heimi, þyrfti ekkert Myndstef. Myndhöfundar fengju greitt fyrir notkun á verkum sínum vandkvæðalaust. Allir, fyrirtæki og einstaklingar, myndu virða höfundarétt myndhöfunda sem og annarra höfunda, fá leyfi og ávallt greiða sanngjarnt endurgjald fyrir notkun verka.

Við búum ekki í fullkomnum heimi, það vitum við öll, og rauninni fara áskoranir á sviði höfundaréttar sífellt vaxandi. Á tímum stöðugra samfélagsmiðladeilinga tapar fólk gjarnan sýninni á höfundarétt, ekki síst þegar kemur að myndefni. Ef það er á netinu, má ekki nota það? Svo ekki sé talað um gervigreindina. Á sama tíma hafa regluverk og lagakröfur þyngst til muna, og eru í raun mun meira íþyngjandi fyrir minni umsýslustofnanir, en þær sem stærri eru, því gæta þarf að því að hlutfall umsýslukostnaðar af innkomnum réttindatekjum sé í hófi um leið og kröfurnar eru þær sömu. Starfsemi Myndstefs er þannig bundin af

lagarammanum sem og innkomnum tekjum. Meginmarkmiðið er að greiða sem mest út til höfunda og halda umsýslukostnaði í lágmarki. Önnur verkefni og áskroranir eru þó vissulega ærin, en takmarkast við það svigrúm sem umsýslukostnaður leyfir. Myndstef myndi gjarnan vilja geta lagt meira af mörkum fyrir myndhöfunda, til þess að aðstoða notendur við löglega notkun sjónlistar, til öflugari fræðslustarfsemi og til þess að leggja höfundum lið í ríkari mæli í baráttu við höfundaréttarbrot. Engu að síður erum við stolt af því hvað við höfum náð langt og við látum ekki deigan síga, Myndstef ætlar sér meira fyrir myndhöfunda og sjónlistafólk. Meiri hagkvæmni og meiri skilvirkni.

Myndstef átti 35 ára afmæli þann 11. febrúar sl. og Myndstef hefur því í 35 ár barist fyrir rétti myndhöfunda.

Myndstef berst fyrir því að myndhöfundar og sjónlistafólk fái sanngjarnar greiðslur fyrir afnot af verkum sínum og sanngjarnar bætur svo sem fyrir eintakagerð til einkanota.

Myndstef er til, til þess að taka við greiðslum fyrir höfunda og koma þeim til höfunda. Þess vegna leitast Myndstef við að halda umsýslukostnaði í lágmarki og því takmarkast starfsemin við það. Myndstef greiðir réttindagreiðslur beint til höfunda þegar það er mögulegt. Þegar réttindagreiðslur eru ekki höfundagreinanlegar renna þær í Höfundasjóð Myndstefs og er úthlutað úr sjóðnum árlega. Myndstef vinnur að því skref fyrir skref að finna sanngjörnu leiðirnar til þess að úthluta greiðslum til höfunda á sem sanngjarnastan máta.

Myndstef er til af því að list er verðmæt og höfundaréttur eru mikilvæg réttindi höfunda. Listsköpun, hvort sem er á sviði myndlistar, ljósmyndunar eða hönnunar og arkitektúrs er gífurlega mikilvæg í samfélaginu, stundum til að fegra umhverfið, en stundum er listsköpun ádeila, stundum pólitísk, og oftast en ekki er list uppspretta og grundvöllur meiri sköpunar og hugmyndaauðgi. Ég hef lært að við sjáum ekki öll eins. Myndhöfundar og sjónlistafólk hefur einstakt lag á að koma auga á ýmislegt sem aðrir sjá ekki og ofurkraftur þeirra er stundum að opna augu okkar hinna með mynd. Sjónlist, teikningar, hönnun og listaverk eru verðmæti, og til að minna okkur á það fylgir gagnsæisskýrslunni í ár örmyndasagan **Mynd segir meira en 60.000 orð**, eftir Rán Flygenring.

Reykjavík, 29. apríl 2026

Vera Sveinbjörnsdóttir  
Framkvæmdastjóri Myndstefs

## Samantekt stjórnar

Aðalstarfsemi Myndstefs er fólgin í að annast hagsmunagæslu á sviði höfundaréttar fyrir myndhöfunda og innheimta réttindagreiðslur vegna höfundaréttar og greiða út til rétthafa. Myndstef starfar ekki í hagnaðarskyni og leitast við að halda umsýslukostnaði í lágmarki eftir því sem kostur er.

Réttindagreiðslur sem renna til Myndstefs eru til komnar úr ýmsum áttum, þar helst að nefna greiðslur frá Fjölís og IHM, greiðslur vegna fylgiréttargjalda vegna endursölu listaverka í atvinnuskyni, greiðslur vegna samningskvaðasamninga, og þar helst að nefna svokallaða safnasamninga, og loks þóknarir fyrir notkun á höfundarétti, þ.e. höfundaréttargreiðslur fyrir endurnot.

Á árinu var úthlutað 40 m.kr. úr Höfundasjóði Myndstefs, þar af 5 m.kr. í ferða-, menntunar- og vinnustofustyrki og 35 m.kr. í úthlutanir vegna verkefna. Sífellt er unnið að því að færa úthlutanir úr Höfundasjóði nær punktakerfi byggðu á réttindamagni höfunda og leitað leiða til þess.

Árið 2025 flutti Myndstef í nýtt húsnæði, að Hafnarstræti 5, í maí 2025 og leigir þar skrifstofu af Reykjavíkurakademíunni og getur samnýtt fundarherbergi og fyrirlestrasal Reykjavíkurakademíunnar. Er öll aðstaða í nýja húsnæðinu til fyrirmyndar.

Stærstu verkefni ársins voru flutningar og jafnframt umfangsmikil vinna við nýtt tölvukerfi samtakanna. Vegna breytinga á tölvukerfinu og yfirfærslu gagna milli kerfa í árslok, var aðeins ein útborgun úr umsýslukerfi Myndstefs til rétthafa, en greitt verður út til rétthafa um leið og lokaprófanir hafa farið fram á nýja tölvukerfinu.

Á árinu urðu þær breytingar á stjórn að fulltrúi ljósmyndara, Guðmundur Skúli Viðarsson kláraði tímabil sitt í stjórn Myndstefs. Nýr fulltrúi ljósmyndara í stjórn var Sveinn Speight.

Hjá samtökunum starfar framkvæmdastjóri í 80% starfi og formaður stjórnar fær greiðslu sem miðast við 10% stöðugildi. Á árinu var ráðinn tímabundinn starfsmaður á skrifstofu til sex mánaða með styrk frá Vinnumálastofnun.

Alþjóðasamstarf er með góðu móti. Framkvæmdastjóri fór á fund systurfélaga í Oslo í september 2025, en norrænt samstarf er einkar mikilvægt. Myndstef á aðild að EVA (European Visual Artist) og Myndstef er einnig aðili að CISAC (*The International Confederation of Societies of Authors and Composers*).

Myndstef hefur ávallt leitast við að halda uppi fræðslu um höfundarétt og halda kynningar um höfundarétt og voru þó nokkrar kynningar haldnar á árinu, m.a. fyrir Listaháskólann og Háskólann á Bifröst.

Þá vann Myndstef að stóru verkefni í samstarfi við Listasafn Íslands um málverkafalsanir á Íslandi, tók þátt í málþingi og birti upplýsingasiðu á vefsíðu Myndstefs um málverkafalsanir.

Frá setningu laga nr. 88/2019 um sameiginlega umsýslu höfundaréttar hefur Myndstef lagt mikið kapp á að framfylgja lögum og tryggja hagkvæmni og skilvirkni í starfsemi sem best.

Fyrir hönd stjórnar

G.Erla - Guðrún Erla Geirsdóttir

Formaður stjórnar Myndstefs



## Áritun stjórnar

Stjórn Myndstefs skipa:

Guðrún Erla Geirsdóttir - Gerla, myndhöfundur og listfræðingur, stjórnarformaður Myndstefs  
Logi Bjarnason, myndhöggvari/myndlistarmaður  
Pétur Thomsen, ljósmyndari og myndlistarmaður  
Steinunn Hrólfsdóttir, fatahönnuður  
Sveinn Speight, ljósmyndari


**Lagt fyrir aðalfund Myndstefs, 12. maí 2026.**



**Samþykkt af stjórn Myndstefs.**



Frá vinstri: Steinunn Hrólfsdóttir, Logi Bjarnason, Sveinn Speight, G.Erla, og Vera Sveinbjörnsdóttir. Á myndina vantar Pétur Thomsen.

# 1. ÖRMYNDASAGA eftir Rán Flygenring





## 2. Um Myndstef – Myndhöfundasjóð Íslands

**Myndstef – Myndhöfundasjóður Íslands eru höfundaréttarsamtök sem starfa í þágu myndhöfunda og sjónlistafólks og standa vörð um höfundarétt höfunda og rétthafa, þar með talið myndlistarfólks, ljósmyndara, arkitekta og hvers kyns hönnuða.**

Tilgangur samtakanna er að vera umsýslustofnun og höfundaréttarsamtök, sem standa vörð um höfundarétt myndhöfunda og sjónlistafólks, þar með talið myndlistarfólks, ljósmyndara, arkitekta og hvers kyns hönnuða. Kjarni starfsemi Myndstefs snýr að réttindaumsýslu, en áætlað er að félagsleg-, menningarleg og menntunartengd þjónusta nemi um 20% af starfsemi Myndstefs. Meginhlutverk Myndstefs er að innheimta höfundaréttargjöld fyrir endurnot verka og fylgiréttargjöld við endursölu og uppboð á myndlist, og greiða út til höfunda. Samtökin innheimta einnig kollektívar tekjur, þ.e. ekki persónubundnar tekjur, heldur greiðslur vegna samningskvaðasamninga, sem dæmi vegna safnasamninga fyrir birtingu listaverka á vef. Slíkar greiðslur renna í Höfundasjóð Myndstefs og er þeim úthlutað samkvæmt úthlutunarreglum Myndstefs hverju sinni. Að jafnaði er opnað fyrir umsóknir að loknum aðalfundi og fram í miðjan ágúst og í framhaldi úthlutað að hausti.

Félagar í Myndstefi eru yfir 3000 talsins, en félagsaðilar að Myndstef eru í fyrsta lagi rétthafar með beina aðild, sem gert hafa um það samning við samtökin, í öðru lagi rétthafar sem öðlast hafa aðild í gegnum aðildarfélag og í þriðja lagi aðildarfélag Myndstefs.

Samtökin eru ekki rekin í hagnaðarskyni og reynt er að lágmarka umsýslukostnað eins og hægt er. Myndstef á engin dótturfélög og engar einingar eru beint eða óbeint í eigu eða undir yfirráðum sameiginlegu umsýslustofnunarinnar, hvort heldur sem að fullu né að hluta. Daglegur rekstur er í höndum framkvæmdastjóra, sem starfar náið með stjórn samtakanna.

Fimm manna stjórn er yfir samtökunum, einn aðili er tilnefndur af SÍM, einn tilnefndur af Ljósmyndamiðstöð, einn af Miðstöð hönnunar og arkitektúrs og tveir eru kosnir, þar af annar formaður. Aðalfundur fer með æðsta vald samtakanna.

Ein grundvallarforsenda starfsemi myndhöfunda og sjónlistafólks er að höfundum sé gert kleift að búa til og miðla efni sínu, en miðlun listar skiptir að sjálfsögðu verulegu máli fyrir samfélagið allt. Lög um höfundarétt tryggja rétt höfunda og auðvelda þeim að miðla verkum sínum, án þess að hafa áhyggjur af því að brotið sé á höfundarétti þeirra. Myndstef stendur vörð um höfundarétt myndhöfunda með ýmsum leiðum.

Myndstef veitir félagsfólki ókeypis ráðgjöf um höfundarétt og eru talsvert margir höfundar sem leita til Myndstefs um ráðgjöf og aðstoð vegna ýmis konar mála.

Myndstef veitir fræðslu um höfundarétt og tekur iðulega vel í beiðnir um kynningar frá aðildarfélögum og fleiri aðilum, enda telur Myndstef afar mikilvægt að notendur myndverka og sjónlistar, sem og myndhöfundar sjálfir og almenningur allur ætti að hafa skilning á höfundarétti og hvað hann felur í sér.

Myndstef fylgist með stefnumótun og leitast við að hafa áhrif á þróun laga og reglna svo og viðskiptahátta á þessu sviði og annast samningagerð félagsmanna við opinbera aðila og einkaaðila um höfundaréttarleg hagsmunamál félagsmanna.

Myndstef starfar innan marka íslenskra höfundalaga nr. 73/1972, laga um sameiginlega umsýslu höfundaréttar nr. 88/2019, og reglugerðar nr. 486/2001. Einnig lúta samtökum alþjóðlegum lögum og reglum um höfundarétt, sbr. Bernarsáttmálinn og tilskipunum Evrópusambandsins er snúa að höfundarétti. Samtökin hafa starfað á grundvelli viðurkenningar ráðuneytis sem fer með höfundaréttarmál um árabíl og hlaut Myndstef formlega endurnýjun á starfsviðurkenningu þann 7. október 2024 frá menningar- og viðskiptaráðuneyti. Viðurkenning Myndstefs nær til umsýslu höfundaréttar á grundvelli 12. gr. b, 3. mgr. 14. gr., 1. mgr. 23. gr. og 5. mgr. 25. gr. höfundalaga

## 2.1 Aðildarfélag Myndstefs

Aðildarfélag Myndstefs eru félag myndhöfunda og sjónlistafólks. Aðildarfélag undirrita sérstakan aðildarsamning. Aðildarsamningar fela í sér að félagsfólk hvers aðildarfélags verður sjálfkrafa aðilar að Myndstef. Myndstef óskar árlega eftir uppfærðu félagatali frá öllum aðildarfélögum sínum.

Félag leikmynda- og búningahöfunda, FLB  
Félag íslenskra kvikmyndatökustjóra, ÍKS  
Grafía  
Miðstöð hönnunar og arkitektúrs og eigendur þess;  
Arkitektafélag Íslands, AÍ  
Fatahönnunarfélag Íslands, FÍ  
Félag húsgagna og innanhússarkitekta, FHI  
Félag íslenskra gullsmiða, FÍG  
Félag íslenskra landslagsarkitekta, FÍLA  
Félag íslenskra teiknara, FÍT (stofnfélag Myndstefs)  
Félag vöru- og iðnhönnuða  
Leirlistafélagið (sem er einnig aðildarfélag SÍM)  
Textílfélagið (sem er einnig aðildarfélag SÍM)  
Ljósmyndamiðstöð Íslands, LMÍ, en aðildarfélag þess eru;  
Blaðljósmyndarafélagið  
Félag íslenskra samtímaljósmyndara, FÍSL (einnig er aðildarfélag SÍM)  
FÓKUS  
Ljósmyndarafélag Íslands (stofnfélag Myndstefs)  
Samband íslenskra myndlistamanna, SÍM, (stofnfélag Myndstefs) og  
aðildarfélag þess;  
Félag íslenskra samtímaljósmyndara, FÍSL  
Félag íslenskra myndlistarmanna, FÍM  
Íslensk grafík  
Myndhöggvarafélagið í Reykjavík, MHR  
Myndlistarfélagið  
Leirlistafélagið (sem er einnig aðildarfélag MHA)  
Textílfélagið (sem er einnig aðildarfélag MHA)

## 2.2 Hagsmunaskrá

Engir hagsmunaárekstrar eru á milli framkvæmdastjóra og Myndstefs, og fær framkvæmdastjóri engar réttindagreiðslur frá félaginu.

Í stjórn Myndstefs sitja myndhöfundar, og upp getur komið sú staða að stjórnarmeðlimir geta átt rétt á fylgiréttargreiðslum eða höfundaréttargreiðslum, vegna verka sinna. Ekki er um neinar réttindagreiðslur né úthlutanir að ræða á árinu til stjórnarmeðlima.

Við úthlutanir úr myndhöfundasjóði Myndstefs er þess ávallt gætt að óháð úthlutunarnefnd úthluti styrkjum og er fyllstu fagmennsku gætt við úthlutun styrkja. Samkvæmt úthlutunarreglum skulu fulltrúar í úthlutunarnefnd hverju sinni upplýsa um vanhæfi og víkja sæti ef um vanhæfi er að ræða.

## 2.3 Umsýslustofnanir sem Myndstef á aðild að

Myndstef á aðild að eftirfarandi umsýslustofnunum og nefndum og tekur eftir atvikum við hlut réttindagreiðslna vegna réttinda á sínu sviði, að nánari uppfylltum skilyrðum.

1. **IHM**, er úthlutar höfundarétti vegna eintakagerðar til einkanota, í samræmi við 4. mgr. 11. gr. höfundalaga.

Hlutur Myndstefs er 7% af heildarinnheimtu IHM vegna 11.gr. höfl, í samræmi við gerðardóm frá maí 2022. Dómsorð gerðardómsins frá 2022 eru svohljóðandi:

Hlutdeild málsaðila í hreinum tekjum Innheimtumiðstöðvar rétthafa frá og með árinu 2017 til og með árinu 2026 vegna árána 2016, 2017, 2018, 2019, 2020, 2021, 2022, 2023, 2024 og 2025, sem innheimt hafa verið á grundvelli 3. og 4. mgr. 11. gr. höfundalaga nr. 73/1972, með síðari breytingum, skal vera sem hér segir:

1. Blaðamannafélag Íslands 2%.
2. Félag kvikmyndagerðarmanna 3,5%.
3. Félag leikstjóra á Íslandi 2,5%.
4. Hagþenkir, Félag höfunda fræðiritra og kennslugagna, 4%.
5. Myndstef 7%.
6. Rithöfundasamband Íslands og Félag leikskálda og handritshöfunda 11%.
7. Samband flytjenda og hljómplötuframleiðenda 28%.
8. Samband íslenskra kvikmyndaframleiðenda 18%.
9. Samtök kvikmyndaleikstjóra 10%.
10. STEF, Samband tónskálda og eigenda flutningsréttar, 14%.

Um hlut Myndstefs segir í gerðardómnum:

### 5. Um hlut Myndstefs

Félagsmenn Myndstefs vinna ýmis verk sem eru ólík innbyrðis og kunna að njóta verndar höfundalaga. Má þar nefna myndlistarverk, málverk, gjörninga, tvívíð verk, þrívíð verk, skúlptúra, ljósmyndir, fatahönnun, vöruhönnun, grafíska hönnun, leikmunahönnun, skartgripahönnun, húsgagnahönnun, arkitektúr, teikningar, uppdrætti og aðra sjónlist. Einnig er þar um að ræða ýmis verk tengd hljóðlist. Hluti félagsmanna vinnur þessi verk í starfi sínu, en meirihluti þeirra er sjálfstætt starfandi. Þá eiga félagsmenn Myndstefs þátt í gerð ýmissa hljóð- og myndmiðlaverka eins og kvikmynda, heimildamynda, þátta og tónlistarmyndbanda, barnaefnis, stuttmynda, teiknimynda og tölvuleikja. Verkhæð þessara verka er oft ekki mikil og meðgöngutími að sama skapi ekki langur. Verkhæð sumra verka getur þó verið mikil eins og á við um málverk, skúlptúra og hönnun mannvirkja. Þá er þess að gæta að samkvæmt könnun Maskínu hefur eintakagerð af myndverkum, bæði á stafrænu og hliðrænu formi, aukist verulega á undanförunum árum með tilkomu snjallsíma.

Að þessu sögðu og með vísan til þess sem fram kemur í VII. kafla um almenn sjónarmið, er liggja til grundvallar niðurstöðu í málinu, er hlutur Myndstefs ákveðinn 7%.


2. **IHM kapall**, er úthlutar höfundarétti vegna endurvarps í samræmi við 23. gr. a. höfundalaga. Hlutur Myndstefs í heildarinnheimtu IHM vegna endurvarps (Kapalgeirinn) er nú 0,70%.
3. **Fjölís**, vegna réttinda vegna afritunar og samninga vegna ljósritunar og skönnunar innan skóla og stofnanna, í samræmi við 18. gr. höfundalaga og rgl. 420/2012. Hlutur Myndstefs er ca 16% hlutur af heildarinnheimtu Fjölís (að frádregnum umsýslukostnaði), í samræmi við samninga um hvert svið.
4. **Bókasafnssjóður / úthlutunarnefnd vegna útlána bóka af bókasöfnum** úthlutar greiðslum beint til höfunda, en ekki til Myndstefs. Myndstef á fulltrúa í úthlutunarnefnd, en Sigmundur Breiðfjörð Þorgeirsson sat fyrir hönd Myndstefs í úthlutunarnefnd 2024-2025.

### 3. Ársreikningur og fjárhagslegar upplýsingar

#### 3.1 Ársreikningur

Endurskoðandi ársins 2025 var Gæðaendurskoðun slf. Ársreikningur, efnahagsreikningur og rekstrarreikningur fyrir fjárhagsárið sem og yfirlit yfir sjóðsstreymi, er aðgengilegur á vefsíðu Myndstefs, sjá vefslóð: <https://myndstef.is/wp-content/uploads/2026/04/mydnstef-rsreikningur-2025-osamthykktur.pdf>.

#### 3.2 Tekjur



#### Höfundagreinanlegar tekjur

Endurnot	4.176.792
Fylgiréttur	18.515.399
	22.692.191

#### Kollektívar greiðslur sem renna í höfundasjóð

Fjölís	33.176.166
IHM, eintakagerð	14.140.000
IHM, kapalgeiri	
Samningskvaðasamn.	8.458.408
	55.774.574

Alls:	78.466.765
-------	------------

### 3.3 Yfirlit yfir réttindaflokka

Unnt er að skipta höfundaréttarendurgjaldi og réttindagreiðslum þeim sem Myndstef innheimtir í eftirfarandi stofna:

TEKJUSTOFN	TEKJUR	UPPLÝSINGAR
1. Höfundaréttarendurgjald vegna <u>endurnotkunar</u>	Alls: kr. 4.176.792 kr. þar af kr. 3.697.299 vegna innlendar notkunar og  kr.479.493 vegna erlendar notkunar.	Réttindatekjur vegna endurnota eru að jafnaði beint á tiltekna höfunda og er þeim úthlutað einstaklingsbundið, sé því við komið.
2. Höfundaréttur vegna heildarsamninga á grundvelli samningskvaðar með vísan til viðeigenda ákvæða laga:	Alls: kr.55.774.574	Réttindatekjur sem ekki eru höfundagreinanlegar renna í Höfundasjóð Myndstef og er úthlutað einu sinni á ári til höfunda.
a. Eintakagerð til einkanota (e. private copying) 11. gr. höfundalaga nr. 73/1972	14.140.000 kr.	Innheimta og úthlutun vegna eintakagerðar til einkanota er í höndum Innheimtumiðstöð réttihafa, IHM ( <a href="http://www.ihm.is">www.ihm.is</a> ). Réttindagreiðslum IHM er úthlutað í gegnum höfundasjóð Myndstefs.
b. Endurvarp – Kapalréttindi (e. retransmission rights) 23. gr.a. höfl.:	0	Innheimta og úthlutun vegna endurvarps er í höndum IHM ( <a href="http://www.ihm.is">www.ihm.is</a> ). Réttindagreiðslum frá IHM er úthlutað í gegnum höfundasjóð Myndstefs.
c. Afritun - ljósritun og skönnun innan stofnanna og skóla (e. reprographic rights) 18 .gr. höfundalaga:	33.176.166	Innheimta og úthlutun vegna afritunar er í höndum sameiginlegrar umsýslustofnunar, sem heitir Fjölís ( <a href="http://www.fjolis.is">www.fjolis.is</a> ). Réttindagreiðslum frá Fjölís er úthlutað í gegnum höfundasjóð Myndstefs.
d. Útlán (e. public lending rights) III. KAFLI, 4. og 5. gr. laga nr. 91/2007: Greiðslur fyrir afnot á bókasöfnum.	0	Innheimta og úthlutun er vegna bóta fyrir afnot í bókasöfnum (réttindagreiðslur vegna útlána, e. public lending rights) er í umsýslu RSÍ, og er þar skráningarkerfi sem opnar í janúar ár hvert, og úthlutar úthlutunarnefnd þeim greiðslum í maí ár hvert einstaklingsbundið.
e. Útsendingar, sjónvarp og útvarpsútsendinga (e. broadcasting rights) 23. gr. b. höfundalaga:	774.967 kr.	Innheimta og úthlutun vegna útsendinga útvarps og sjónvarpsstöðva er með samningskvöð við helstu sjónvarpsstöðvar á Íslandi, sem og í gegnum gagnkvæmnissamninga við systursamtök Myndstefs. Réttindagreiðslum er úthlutað í gegnum höfundasjóð Myndstefs.
f. Safnanot, þ.e.a.s. notkunar safna á safnkosti (e. museum rights) 12. gr. b. höfundalaga	6.791.145 kr.	Innheimta og úthlutun vegna safnanota er með samningskvöð við öll helstu söfn á Íslandi. Réttindagreiðslum er úthlutað í gegnum höfundasjóð Myndstefs.

<p><i>g.</i> <b>Mennta og fræðistofnananot</b> (e. usage for educational purposes) <i>sbr. 14. gr. höfl.</i></p>	<p><b>0 kr.</b></p>	<p>Innheimta og úthlutun vegna nota mennta og fræðslustofnanna er í gegnum samningskaðasamning við Menntamálastofnun. Réttindagreiðslum er úthlutað í gegnum höfundasjóð Myndstefs</p>
<p><b>h.</b> Notkun stofnunar í þágu sérstaks hópar <i>sbr. 19. gr. höfl</i></p>	<p><b>892.296 kr.</b></p>	<p>Innheimta og úthlutun vegna nota stofnuna í þágu sérstaks hópar, er með ígildi samningskvaðar við Hljóðbókasafnið. Vakin er athygli á því að ekki er um samningskvöð að ræða á grundvelli höfundalaga, heldur ábyrgist Myndstef þær kröfur sem kunna að koma frá handhöfum höfundaréttar</p>
<p><b>3. Fylgiréttargjöld</b> vegna endursölu listaverka og uppboða.</p>	<p><b>17.796.563 kr. vegna innlendar starfsemi.</b> <b>718.836 kr. frá erlendum aðilum.</b></p>	<p>Réttindatekjur vegna fylgiréttar eru að jafnaði beint á tiltekna höfunda og er þeim úthlutað einstaklingsbundið, sé því við komið Varðandi fylgiréttargjöld vegna endursölu listaverka og uppboða gildir 25. gr. a. og b. höfundalaga nr. 73/1972 og reglugerð 486/2001.</p>

### 3.4 Frádráttur af tekjum vegna umsýslukostnaðar og frádráttur vegna menningarlegrar-félagslegrar og menntunartengdrar þjónustu

Áður en ákvörðun um úthlutun á réttindagreiðslum vegna samningskvaða, sem úthlutað er sameiginlega í gegnum höfundasjóð Myndstefs, er tekin, skal draga frá tekjum öll rekstrargjöld og umsýslugjöld, og önnur útgjöld er kunna að falla frá vegna félagslegs, menningarlegs, og menntunartengdrar þjónustu Myndstefs. Að auki skal eftir atvikum draga frá og uppfylla reglur um varasjóð Myndstefs, í samræmi við samþykktir Myndstefs. Til menningarlegrar, félagslegrar og menntunartengdrar þjónustu telst sú þjónusta Myndstefs sem ekki fellur beint undir beina umsýslu, en Myndstef gegnir mikilvægu starfi við fræðslu um höfundarétt og ráðgjöf til félagsfólks, sem ekki hefur kost á slíkri ráðgjöf annarsstaðar sér að kostnaðarlausu. Vilji aðildarfélaga til þess að slík þjónusta standi til boða hefur verið skýr frá upphafi samtakanna.

Stefna Myndstefs er að frádráttur skuli miðast við eftirfarandi hlutfall að hámarki, eins og kostur er:


1. Endurnot / höfundagreinanlegar réttindatekjur – 20% (eingöngu umsýslukostnaður)
2. Fylgiráttur / höfundagreinanlegar réttindatekjur – 20% (eingöngu umsýslukostnaður)
3. Samningskvaðir 40% (þar af umsýslukostnaður 30% og menningarleg, félagsleg og menntunartengd þjónusta 10%)
4. Kollektívar höfundaréttartekjur 40% (þar af umsýslukostnaður 30% og menningarleg, félagsleg og menntunartengd þjónusta 10%).

Leitast er við að halda rekstrarkostnaði í lágmarki, án þess þó að það bitni á starfsemi félagsins.

Höfundagreinanlegar tekjur		hlutfall umsýslukostn.	Frádráttur vegna umsýslukostnaðar	Frádráttur vegna menningarlegrar, félagslegrar og menntunartengdrar þjónustu 10%	Til útborgunar til réttihafa
Endurnot	4.176.792	20%	835.358		3.341.434
Fylgiráttur	18.515.399	20%	3.703.080		14.812.319
	22.692.191		4.538.438		<b>18.153.753</b>
beinar greiðslur					
Kollektívar greiðslur sem renna í höfundasjóð			30%	10%	
Fjölís	33.176.166	30% / 10%	9.952.850	3.317.617	19.905.700
IHM, eintakagerð	14.140.000	30% / 10%	4.242.000	1.414.000	8.484.000
IHM, kapalgeiri		30% / 10%		-	-
Samningskvaðasamn.	8.458.408	30% / 10%	2.537.522	845.841	5.075.045
	55.774.574		16.732.372	5.577.457	<b>33.464.744</b>
	59.951.366				Höfundasjóður
Alls:	78.466.765		21.270.810	5.577.457	51.618.497

Samkvæmt viðmiðum um frádrátt skal kr. 18.153.753 úthlutað beint til réttihafa, en kr. 33.464.744 koma til úthlutunar úr Höfundasjóði Myndstefs.


### 3.5 Umsýslukostnaður



Rekstrarkostnaður ársins var kr. 31.778.373. Stærsti útgjaldaliður eru laun og launatengd gjöld, þ.m.t. stjórnarlaun og nefndarlaun. Næst stærsti útgjaldaliður er bókhald og endurskoðun, yfir 5 m.kr. Þá er aukinn kostnaður vegna vinnslu við tölvukerfi, en þegar kerfið verður komið í gagnið mun það einfalda umsýslu að talsverðu leyti, sem töluvert hagræði mun hljóta af. Ráðinn var starfsmaður tímabundið til 6 mánaða, með styrk frá Vinnumálastofnun. Húsaleigukostnaður hefur lækkað lítillega. Myndstef leitast við að halda umsýslukostnaði í lágmarki, en hlutfall umsýslukostnaðar getur þó verið sveiflukennt eftir árum, eftir innkomu og tilfallandi útgjöldum. Hlutfall umsýslukostnaðar er töluvert hátt, en engu að síður hafa útgjöld minnkað frá fyrra ári. Verulegur hluti þess kostnaðar, er ekki unnt að sundurgreina á tegund nota eða sérstakan réttindahóp. Segja má að helsta áskorun smárra samtaka eins og Myndstef sé að halda umsýslukostnaði í lágmarki. Það þarf einnig að hafa í huga að skrifstofa Myndstefs er brotabrot af stærð sambærilegra umsýslustofnanna í Evrópu, en þarf þó að uppfylla sömu kröfur skv. umsýslulögum.

<b>INNKOMA Myndstefs árið 2025</b>	
Höfundaréttargreiðslur	59.951.366
Fylgiréttargreiðslur	18.515.399
Fjármunatekjur	3.819.605
<b>Brúttó innkoma árið 2025</b>	<b>82.286.370</b>
<b>KOSTNAÐUR</b>	
Allur kostnaður	31.778.373
Menningarleg, félagsleg og menntunartengd þjónusta	5.577.457
<b>Umsýslukostnaður metinn út frá umsýslulögum %</b>	<b>31,8%</b>
<b>Almennt frádráttarhlutfall umsýslukostnaðar vegna höfundagreinanlegra tekna:</b>	<b>20%</b>
<b>Almennt frádráttarhlutfall vegna kollektívra tekna (að meðtaldri menningarlegri, félagslegri og menntunartengdri þjónust):</b>	<b>40%</b>

### 3.6 Réttindagreiðslur á árinu 2025



#### Alls greitt út til höfunda 2025

Höfundaréttur	3.031.297
Fylgiréttur	0
úthlutanir ferða-, menntunar og vinnustofustyrkir	35.000.000
styrkir	4.900.000
	1.000.000
	<u>43.931.297</u>

Vakin skal athygli á að ekki reyndist mögulegt að greiða út fylgiréttargreiðslur á árinu 2025, vegna breytinga á tölvukerfi. Útborgun fer fram um leið og nýtt umsýslukerfi verður tekið í notkun.

Ógreidd fylgiréttargjöld eru kr. 29.812.747. Ógreidd höfundaréttargjöld eru kr. 12.711.454. Myndstef greiðir almennt út tvisvar á ári, þegar inneign er yfir kr. 10.000 og til staðar eru greiðsluupplýsingar rétthafa.

Innheimtar fjárhæðir sem ekki eru höfundagreinanlegar renna í Höfundasjóð Myndstefs og er úthlutað úr honum árlega.

Greiðslur sem runnu í sjóð Myndstefs vegna óráðstafanlegra fjárhæða á árinu voru 982.512 kr. vegna fylgiréttar, og 19.097 kr. vegna höfundaréttar. Fjárhæðir sem renna í sjóð, eru til komnar vegna höfunda sem hafa ánaðnað Myndstef réttindagreiðslur sínar, fylgiréttargreiðslna höfunda sem fallnir eru úr vernd, sbr. 4. mgr. 25.gr. b. höfundalaga nr. 73/1972, og ef ómögulegt hefur verið að finna viðkomandi höfund.

## VIÐAUKI I - Ársreikningur

Endurskoðaður ársreikningur er birtur á vefsíðu Myndstefs og er aðgengilegur á vefslóð:

<https://myndstef.is/wp-content/uploads/2026/04/mydnstef-rsreikningur-2025-osamthykkur.pdf>.

## VIÐAUKI II - Stefnur Myndstefs um notkun fjármagns skv. umsýslulögum

### 1. Almenn stefna um úthlutun réttindagreiðslna til rétthafa.

**Stefna: Myndstef hefur viðurkenningu menningar- og viðskiptaráðuneytis frá 7. október 2024 og hefur haft viðurkenningu ráðuneytis höfundaréttarmála frá árinu 1992 sem höfundaréttarsamtök myndhöfunda.**

**Myndstef ber að úthluta réttindatekjum beint til rétthafa, í samræmi við höfundalög nr. 73/1972 og umsýslulög nr. 88/2019. Úthlutun fer fram a.m.k. tvisvar sinnum á ári. Umsýslukostnaður og frádráttur fer samkvæmt stefnu 4 um frádrátt frá réttindatekjum<sup>1</sup>.**

**Fjármagnstekjuskattur er dreginn frá einstaklingsbundinni úthlutun, í samræmi við skattalög.**

**Í þeim tilvikum þar sem einstaklingsbundinni úthlutun verður ekki við komið, renna réttindatekjur í Höfundasjóð Myndstefs. Hér falla undir réttindatekjur vegna sameiginlegrar umsýslu á sviði myndrænnar sköpunar og sjónlistar (samningskvöð) og aðrar tekjur sem í eðli sínu er ekki unnt að ráðstafa einstaklingsbundið. Höfundasjóði eru úthlutað til rétthafa í formi réttindagreiðslna, að frádregnum umsýslukostnaði, félagslegum-, menningarlegum- og menntunartengdum kostnaði, og ef leggja þarf í varasjóð. Allir höfundar myndrænnar sköpunar og sjónlistar geta sótt í Höfundasjóðinn, hvort sem viðkomandi er félagsmaður eða ekki, og fer úthlutun að jafnaði fram fyrir 1. október ár hvert, að undangengnu sérstöku úthlutunarferli.**

**Einstaka aðildarfélag Myndstefs geta ekki fengið úthlutað beint úr Höfundasjóði Myndstefs. Þó geta utanfélagsmenn óskað eftir að fá úthlutað beint, og er kröfu um slíka þóknun einungis beint að samtökunum og skal hún vera skrifleg, í samræmi við 2. mgr. 26. br. b.**

**Myndstef stefnir að því á næstu árum að úthluta tekjum vegna allra samningskvaðasamninga Myndstefs einstaklingsbundið byggt á réttindamagni þar sem því verður við komið. Stefna Myndstefs er að úthlutun byggji á skráningu, sem úthlutunarnefnd fer yfir.**

### Nánari lýsing:

Rétthafar Myndstefs eru höfundar eða erfingjar myndrænnar sköpunar og sjónlista, sem annað hvort hafa gerst aðilar að Myndstefs í gegnum aðildarumboð, hafa gerst sjálfkrafa aðilar í gegnum eitt af aðildarfélagunum Myndstefs, eru erfingjar eða aðrir rétthafar höfundaréttar sjónlistarfólks, eða eiga lögbundin réttindi hjá Myndstef í gegnum sameiginlega umsýslu í höfundalögum. Ef vafi er á um félagsaðild eða réttindi er unnt að hafa samband við Myndstef. Ef rétthafi sem gengur í aðildarfélag Myndstefs hafnar sjálfkrafa aðild að Myndstef, ber aðildarfélagi að tilkynna það til Myndstefs. Ef tiltekinn aðili Myndstefs óskar ekki eftir umsýslu ákveðinna réttinda eða flokka réttinda, skal tilkynna um slíkt skriflega til skrifstofu Myndstefs, eða geta sérstaklega í aðildarumboði.

<sup>1</sup> Stefna 4: Almenn stefna um frádrátt frá réttindatekjum og arðs af fjárfestingu þeirra.

Myndstef innheimtir réttindatekjur vegna notkunar sjónlistarverka réttthafa, að nánari skilyrðum eða lögum uppfylltum, og úthlutar til réttthafa einstaklingsbundið, þar sem því verður viðkomið. Réttindagreiðslum er úthlutað til höfunda einstaklingsbundið, vegna endurnota sjónlistarverka, til erlendra réttthafa og einnig vegna fylgiréttar, a.m.k. tvisvar sinnum ári.

Þar sem einstaklingsbundinni úthlutun verður ekki viðkomið, er réttindagreiðslum úthlutað sameiginlega, í gegnum **Höfundasjóð Myndstefs**. Eftir að greitt hefur verið til varasjóðs, þegar svo á við, til umsýslukostnaðar og til félagslegs-, menningarlegs og menntunartengds kostnaðar, renna eftirstöðvar réttindatekna í **Höfundasjóð Myndstefs**. Sjóðurinn úthlutar réttindagreiðslum vegna sameiginlegrar umsýslu Myndstefs á sviði myndrænnar sköpunar og sjónlistar. Úthlutun fer fram að minnsta kosti einu sinni á ári vegna samningakvaða, jafnt félagsmönnum og utanfélagsmönnum.

Sérstök úthlutunarnefnd, sem þrjár stoðir Myndstefs tilnefna, fer yfir úthlutun að undangengnu umsóknarferli. Sjá nánar um úthlutunarreglur Myndstefs á heimasíðu samtakanna; <https://myndstef.is/hofundar/styrkir/reglur/>. Utanfélagsmenn geta þó gert kröfu til þess að fá einstaklingsbundna þóknun fyrir not á grundvelli samningskvaðaleyfis. Kröfu um slíka þóknun verður einungis beint að samtökunum og skal hún vera skrifleg, og í samræmi við 2.mgr. 26. br. b. höfundalaga.

Einstök aðildarfélag Myndstefs eiga ekki rétt á beinni úthlutun í þeim tilvikum sem Myndstef hefur viðurkenningu ráðuneytisins vegna samningskvaðar á grundvelli höfundalaga. Samt sem áður geta einstök aðildarfélag sótt um fjárstuðning að nánari skilyrðum uppfylltum. Stjórn getur einnig ákveðið að veita styrki til einstakra félagsmanna vegna sérstakra mála sem gætu talist fordæmisgefandi fyrir málefni myndhöfunda, t.d. vegna málaferla. Stjórn setur sér nánari verkreglur hvað þetta varðar, og skulu þær bornar undir aðalfund til samþykktar.

Réttthafi þarf að hafa safnað **10.000 kr** eða meira til þess að greitt sé út. Svo hægt sé að koma höfundaréttargreiðslum til skila þarf Myndstef m.a. að hafa upplýsingar um kennitölu, heimilisfang og bankareikning réttthafa. Greiðslur eru lagðar inn á bankareikning þann sem réttthafi hefur látið Myndstef fá upplýsingar um, að frádregnum fjármagnstekjuskatti. Nánar um fjármagnstekjuskatt af höfundaréttargreiðslum má finna hér: <https://myndstef.is/fraedsla/skattur/>. Beiðnum um breytingar á bankareikningi er best að koma á framfæri með því að senda tölvupóst á [myndstef@myndstef.is](mailto:myndstef@myndstef.is), eða með því að endurfylla út aðildarumsóknina hér: <https://myndstef.is/hofundar/adild/umsokn-umbod/>

Frekari upplýsingar um innheimtu og úthlutun Myndstefs má einnig finna á heimasíðu samtakanna, hér [Úthlutun - Myndstef](#). Að auki má finna upplýsingar á heimasíðunni á ensku, undir „collection and distribution“, hér: <https://myndstef.is/english/collection-and-distribution/>

Sjá sundurliðun réttindatekna og úthlutun réttindagreiðslna í kafla 2 g hér að ofan.

## 2. Almenn stefna um notkun óráðstafanlegra fjárhæða.

**Stefna: Óráðstafanlegum fjárhæðum er heimilt að verja til umsýslu og rekstur samtakanna, ef þörf krefur en rennur ella í Höfundasjóð Myndstefs**

### **Nánari lýsing:**

Óráðstafaðar tekjur er það höfundaréttarendurgjald sem innheimt er, þar sem réttthafar eru ónafngreindir eða finnast ekki að loknum lögbundnum fyrningarfresti.

Óráðstafanlegri fjárhæð er haldið eftir í þann tíma sem lög kveða á um, og reyna samtökin innan þess tíma að hafa upp á rétthöfum. Ýmsar leiðir eru farnar til að reyna að hafa upp á rétthöfum innan frests. T.d. eru reyndar hefðbundnar leiðir eins og leit í Þjóðskrá, hjá Sýslumanni, í gegnum samskipti við endursöluaðila eða erfingja, með Google leit, í gegnum samfélagsmiðla eða birtingu verkanna á heimasíðu eða samfélagsmiðla Myndstefs, eða með öðrum hætti. Ef þær aðgerðir bera ekki árangur er auglýst opinberlega í Lögbirtingablaðinu, eins og lög mæla fyrir um. Að auki auglýsir Myndstef almennt

eftir höfundum og réttihöfum á facebook síðu og heimasíðu samtakanna, annað hvort með því að birta almenna tilkynningu þess efnis, eða með því að birta mynd af verkinu.

Aðalfundur Myndstefs ákveður stefnu og áætlun um notkun óráðstafanlegra fjárhæða, og er upphæð fjárhæðanna borin þar upp. Heimilt er að verja tekjunum til umsýslu og rekstur samtakanna að undangenginni ákvörðun aðalfundar. Sé ekki þörf á að verja óráðstafanlegum fjárhæðum til reksturs, skulu þær renna í varasjóð eða öðrum kosti í höfundasjóð Myndstefs.

### 3. Almenn fjárfestingarstefna með tilliti til réttindatekna og arðs af fjárfestingu þeirra.

**Stefna: Myndstef leitast við að greiða allar tekjur beint til höfunda. Myndstef leitast við að ávaxta fjármuni félagsins sem ekki hefur verið úthlutað, með sem arðbærustum hætti, án áhættu.**

**Framkvæmd:** Framkvæmdastjóri Myndstefs, ásamt stjórn þegar við á, skal ávaxta fjármuni félagsins með tryggum hætti, einkum með vörslu á innlánsreikningum banka. Leitast skal við að ávaxta fjármuni félagsins með sem arðbærustum hætti, án áhættu. Fjármunir skulu almennt ekki bundnir lengur en í 30 daga. Heimilt er að binda eigið fé, fjármuni í varasjóð, óráðstafanlegra fjárhæða lengur, ef það er heppilegt með tillit til ávöxtunar.

### 4. Almenn stefna um frádrátt frá réttindatekjum og arðs af fjárfestingu þeirra.

**Stefna: Myndstef er óhagnaðardrifin umsýslustofnun, félagasamtök og höfundaréttarsamtök.**

**Myndstef sundurgreinir kostnað til frádráttar vegna umsýslu hvers flokks réttindatekna, og þá fjárhæð sem skal varið til félagslegrar, menningarlegrar og menntunartengdrar þjónustu samtakanna (FMM), eins og mögulegt er hverju sinni.**

#### **Nánari lýsing:**

Myndstef ber samkvæmt umsýslulögum nr. 88/2019 að úthluta öllum þeim tekjum sem samtökin innheimta, að frádregnum umsýslukostnaði, í samræmi við 12. gr. ofangreindra laga. Sá umsýslukostnaður má ekki " fara yfir rökstuddan og skráðan kostnað sem sameiginleg umsýslustofnun stofnar til við umsýslu höfundarréttar og skyldra réttinda", sbr. 14. gr. laganna. Þó má draga frá kostnað vegna félagslegrar- menningarlegrar og menntunartengdrar þjónustu, og einnig þarf að tryggja óvæntar kröfur frá réttihöfum eða óvænt mál sem koma upp varðandi ágreining um skiptingu eða stjórnarsýslu ákveðinna sjóða eða sameiginlegrar umsýslu. Hefur Varasjóður Myndstefs verið stofnaður í þeim tilgangi.

Í 18. gr. samþykktar Myndstefs segir: „Til að mæta óvæntum kröfum aðila, sem standa utan Myndstefs, og óvæntum kostnaði Myndstefs öðrum en rekstrarkostnaði, skal árlega leggja í varasjóð 5% prósent af heildartekjum Myndstefs hvers rekstrarárs. Þegar höfuðstóll sjóðsins er orðinn kr. 20.000.000,- falla greiðslur til hans niður. Fjárhæð þessi skal endurskoðuð árlega og ákvörðuð endanlega af aðalfundi samtakanna, og skal koma fram í gagnsæisskýrslu.“

Frádráttur skal að jafnaði miðast við eftirfarandi hlutfall, ef mögulegt er:

1. Endurnotkun umsýsla – 20%
2. Erlendar greiðslur – 20%
3. Fylgiréttur umsýsla – 20%
4. Félagleg- menningarleg og menntunartengd þjónusta – allt að 20%
5. Sameiginlega umsýsla – að hámarki 40%
6. Varasjóður, þegar við á og í samræmi við ofangreinda 18. gr. samþykktar Myndstefs.

Frádráttur vegna réttindaumsýslu telst t.d. kostnaður við úthlutun og kerfi, rekstur skrifstofu, húsnæðis, starfsmannakostnaður, bókhalds og endurskoðunar, framkvæmdastjórn, greiðslur til

stjórnar og úthlutunarnefndar, formanns og hvað það sem telst bein umsýsla. Hér undir fellur einnig umsýsla við sameiginlega umsýslu höfundaréttar vegna þeirra réttinda sem Myndstef hefur veitt öðrum sameiginlegum umsýslustofnunum umboð til að gæta, einkum eintakagerð til einkanota sbr. 11. gr. endurvarp skv. 23. gr. a (IHM) og afritun í samræmi við 18. gr. höfl. (Fjölís). Leitast skal við að halda umsýslukostnaði í lágmarki, án þess þó að það bitni á starfsemi félagsins.

Annar frádráttur, sem telst til félagslegrar, menningarlegrar og menntunartengdrar þjónustu, getur verið fjölbreyttur. Myndstef hefur í árána rás sinni hinni ýmsu þjónustu samhliða hefðbundnum rekstri og umsýslu samtakanna. Hefur þetta helgast af venju en einnig sérstöku eðli fagsins. Myndhöfundar er fjölbreyttur og fjölmennur hópur á Íslandi (yfir 3000 meðlimir í Myndstef, og svo einnig utanfélagsmenn). Þau starfa bæði innan stofnanna og fyrirtækja, en eru að langmestu leyti sjálfstætt starfandi verktakar. Að auki eru sjónhöfundar oftast en ekki einyrkjar, og sjá oft á tíðum sjálfir um framleiðslu verka sinna, eða taka á sig önnur störf sem tengjast listsköpun sinni, svo sem samningamál, framleiðslu, sýningu, dreifingu og alls konar skriffinnsku og verkefnastjórnun sem fylgir listsköpuninni. Það mætti segja að sjónlistafólk sé í mörgum tilfellum tilneytt til að bera marga hatta, þó þau vilji flest hver einbeita sér að listinni. Hefur þetta leitt til þess að flest sjónlistarfolk hefur ekki færi á að ráða sér aðstoð við yfirlestur samninga, samskipti við kúnna eða framleiðendur, eða ráðgjöf við framsal og sölu á verkum sínum. Af þessum sökum hefur félagsleg- menningarleg og menntunartengd þjónusta verið eitt hryggjarstykkið í starfsemi Myndstefs.

Undir félagslega-, menningarlega og menntunartengda þjónustu fellur fræðsla, hagsmunabaráttu, ráðgjöf til félagsaðila, umsagnir við lagafrumvörp, þróun á sviði höfundalöggjafar, lögfræðiálit, fundir, bréf, samningagerð, og álitstgerðir, ályktanir og svör skrifstofu og stjórnar, samskipti og samstarf við hagaðila og systursamtök, ráðuneyti og stjórnarsýslu, sem og önnur höfundaréttarsamtök, greiðslur vegna þátttöku í erlendu samstarfi í höfundarétti, og greiðslur til utanaðkomandi lögfræðiþjónustu við kvartanir og kærur. Á aðalfundi er útreikningur umsýslukostnaðar og félagslegra, menningarlegra og menntunartengds kostnaðar, og ársreikningur Myndstefs borinn upp til samþykkis, með skýringum. Enn fremur skal aðalfundur staðfesta og/eða ákveða hvaða hluti frádráttar skuli renna í verkefni sem teljast félagslegs, menningarlegs, og menntunartengd þjónusta, enda liggja fyrir upplýsingar um þann kostnað á starfsárinu.

Aðalfundi er jafnframt heimilt að setja sérreglur um mismunandi skiptingu á gjöldum til frádráttar af réttindagreiðslum eftir eðli þeirra, við ákveðnar forsendur, bæði til skamms tíma eð til lengri tíma. Fjármagnstekjum er heimilt að verja til umsýslu og rekstur samtakanna ef þörf krefur, en renna ella í Höfundasjóð Myndstefs.

#### 5. Notkun óráðstafanlegra fjárhæða.

Hér með vísast í stefnu 2, almenna stefna um notkun óráðstafanlegra fjárhæða.

#### 6. Áhættustýringarstefna.

**Stefna: Stjórn skal leitast við að lágmarka áhættu við starfsemi Myndstefs. Myndstef stendur ekki í áhættufjárfestingum. Ef breytingar verða á því skal bera slíkt undir aðalfund.**

#### 7. Samþykki fyrir hvers konar kaupum, sölu eða tryggingarrétti fastafjármuna.

**Stefna: Kaup á fastafjármunum, öðrum en þeim sem eru nauðsynlegir fyrir rekstur skrifstofu, eru háð samþykki aðalfundar.**

Aðalfundur Myndstefs tekur ákvarðanir um og þar með veitir samþykki fyrir hvers konar kaupum, sölu eða tryggingarrétti fastafjármuna, þegar og ef við á.

Samtökin eiga engar fasteignir. Engin kaup, sala né tryggingarréttur fastafjármuna hefur farið fram innan samtakanna frá stofnun þeirra.

8. Samþykki um samruna og bandalög, stofnun dótturfélaga og kaup á öðrum einingum eða hlutum eða réttindum í öðrum einingum.

**Stefna: Myndstef starfar ekki í arðsemiskyni. Myndstef takmarkar áhættu í fjárfestingum. Ekki stendur til að stofna dótturfélög, né kaupa aðrar einingar.**

Aðalfundur Myndstefs tekur ákvarðanir um samruna og bandalög, stofnun dótturfélaga og kaup á öðrum einingum eða hlutum eða réttindum í öðrum einingum, þegar og ef við á.

Enginn samruni eða bandalög, né stofnun dótturfyrirtækja hafa farið fram, né kaup á öðrum einingum, frá stofnun samtakanna.

9. Samþykki fyrir lántöku, lánveitingum eða útgáfu lánatrygginga.

**Stefna: Myndstef leitast við að taka ekki lán vegna starfsemi sinnar.**

Aðalfundur Myndstefs tekur ákvarðanir um og þar með veitir mögulegt samþykki fyrir lántöku, lánveitingum eða útgáfu lánatrygginga, þegar og ef við á.

Engin lántaka, lánveiting eða útgáfa lánatrygginga hefur farið fram innan samtakanna frá stofnun þeirra.

Myndstef – Myndhöfundasjóður Íslands  
Hafnarstræti 5, 3.hæð, 101 Reykjavík  
Sími 562-7711  
[myndstef@myndstef.is](mailto:myndstef@myndstef.is)  
[www.facebook.com/myndstef](http://www.facebook.com/myndstef)

ÍSLANDS MYND HOFUNDA  
MYND  
STEF  
SAMTÖK



### Fyrir rétthafa

Rétthafar eiga rétt á endurgjaldi fyrir birtingu og endurnot verka sinna og rétt á fylgiréttargjaldi vegna endursölu verka eða sölu á uppboðum, rétt eins og tónlistarfólk á rétt á stefgjöldum vegna spilunar tónverka. Myndstef innheimtir gjöld og greiðir til rétthafa tvisvar á ári. Myndstef úthlutar einnig réttindagreiðslum árlega til myndhöfunda úr höfundasjóði Myndstefs.



### Fyrir notendur

Notendur geta leitað til Myndstefs varðandi fyrirspurnir og leiðbeiningar um endurnot. Myndstef auðveldar notendum að nýta sér verk myndhöfunda og sjónlistafólks með löglegum hætti, með því að hafa aðgengilega verðskrá á vefsíðu og aðgengilegar leiðir til að skila inn skilagreinum.



### Fyrir listaverkasala, gallerí og uppboðshús

Skylt er að greiða fylgiréttargjald við uppboð og endursölu. Myndstef á gott samstarf við endursöluaðila og tekur við fylgiréttargreiðslum vegna endursölu og uppboða og kemur þeim til höfunda og rétthafa. Sé ekki staðið í skilum er Myndstefi heimilt að áætla fylgiréttargjöld og eru slíkar áætlanir aðfararhæfar.